



KOMUNIKADU DE-EMPREZA

Enkontru Anuál Asosiasaun Supervizór Finanseiru País Pasífiku (AFSPC)

Hosi loron 8 to'o 12 Setembru 2025, Banco Central de Timor-Leste (BCTL) servisu hamutuk Pacific Financial Technical Assistance Centre (PFTAC) no Fundu Monetáriu Internasionál (FMI) realiza Enkontru Anuál ba Asosiasaun Supervizór Finanseiru husi País Pasífiku ka Association Financial Supervision Pacific Countries (AFSPC).

Objetivu hosi enkontru neé atu hametin kolaborasaun no promove prátika di'ak liu iha supervizaun finanseira no regulamentu iha rejiaun Pasífiku. Ajenda foka ba hametin estrutura supervizaun, no promove troka informasaun no diskute kona-ba dezafiu foun area supervizaun ninia hanesan risku mudansa klimatika neébé sai hanesan topiku durante loron rua formasaun.

Iha sesaun abertura, Exelensia Helder Lopes, Governadór BCTL hateten katak supervizaun bankária importante tebes ba estabilidade finanseira, konfiansa públiku hodi suporta dezvoltamentu sustentável. Nia hatoó katak desde hola parte iha Asosiasaun neé tinan 2013, BCTL benefisia ona liu-hosi partisipasaun iha enkontru no formasaun sira organiza hosi PFTAC.

Nia hatutan katak BCTL kontinua hametin kooperasaun regional hanesan sai membru ba AFI's Pacific Regional Initiatives (PIRI) no membru asociado SEACEN. Parte domestiku, BCTL kontinua haforsa servisu supervizaun tuir padraun internasional hanesan BASELE III no IFRS 9, estabese unidade ba protesaun konsumidores no komprimentos ba Anti Brankeamentu Kapital/Finansiamentu Terrorizmu (ABK/FT) no aktualiza sistema supervizaun.

Partisipante sira inklui representante husi órgaun supervizór finanseiru sira husi Timor-Leste, Fiji, Solomon Island, Tuvalu, Vanuatu, Kiribati, Cook Island, Samoa, Tonga, Australia, no Nova Zealandia.

[Remata]